

КАНОН КО СВЯТОМУ ДУХУ

*Понедельник по Пятидесятнице
Творение Феофаново*

Тропарь, гл. 4-й

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную. Человеколюбче, слава Тебе.

Канон

Глас 1-й

Песнь 1

Ирмос: Горькия работы избавлься Израиль, непроходимое пройде яко сушу, врага зря потопляема, песнь яко благодетелю поет Богу, чудодейущему мышцею высокою, яко прославися.

Припев: Слава Тебе, Боже наш, слава Тебе.

Божественный Душе Святыи, Иже всем разделяяй дарования, и вся творяй волею, вдохни ми светоносное Твое дарование, яко да славлю Тя, Отцу и Сыну совокупляема.

Слава Тебе, Боже наш, слава Тебе.

Иже небесным силам святостнаго дохновения Твоего благодать дай, Утешителю, моего смысла яко Благскверну исчисти, святости Твоея покажи исполнена.

Слава Отцу и Сыну и Святому Духу.

Источниче жизни веруемый, и струя естественная благости, Душе Божий Святыи, ум мой умерщвленный оживотворив, Твоим действием возстави пети Твое Божество.

И ныне и присно и во веки веков. Аминь.

Богородичен: Храм, Дево, бывши Божий, нашествием

Ду́ха, соде́тельною си́лою Его́, си́лу да́рующа
рождéственну, Благода́тная, ёюже родила́ еси́ плóтию
Сло́во безнача́льное.

Песнь 3

Ирмос: Прэ́жде век от Отца́ рождённому нетлénно Сы́ну, и в
последняя от Дéвы воплощённому безсе́менно, Христу́ Бо́гу
возопи́м: вознесы́й рог наш, свят еси́, Го́споди.

Сла́ва Тебе́, Бо́же наш, сла́ва Тебе́.

Име́я по естеству́, хотéния си́лу стéчну, небéсныя
преми́рныя, я́ко Бог соде́тельствую, Дух Святы́й
непреста́нно учи́т вопи́ти: свят еси́, Го́споди.

Сла́ва Тебе́, Бо́же наш, сла́ва Тебе́.

Пéснями немóлчными, облистáвшую благода́ть Ду́ха
богоглаго́ливых апо́стол, в дыха́нии бу́рне, согла́сно
сла́вим, со безплóтными вопи́юще ли́ки: свят еси́, Го́споди.

Слава Отцу́ и Сыну́ и Святому́ Духу.

Еди́ну власть, и Божество́ еди́но, и си́лу, еди́но нача́ло и
ца́рство Святы́я Трои́цы, му́дрствующе поём, в трисвято́м
гла́се вопи́юще: свят еси́, Го́споди.

И ныне́ и присно́ и во ве́ки веков. Аминь.

Богородичен: Колесни́це светоно́сная, и све́тлое
пребывáлище, Всечы́стая, херувим вы́шши су́щи, Бо́га бо
на руку́ носившая. Те́мже Ти вси вопи́ем, Чы́стая:
ра́дуйся, Всеблаже́нная.

Седален, гл. 8-й

Всесвяты́й Дух ны́не соше́д на апо́столы, ви́дом
огненным, у́жасом испо́лни язы́ков собра́ния: язы́ки бо
глаго́лющих огненными, Человеколю́бче, свою́ кийждо
бесе́ду слы́шаше. Те́мже и чу́до неверным, я́ко пьянство,
ве́рным же спаси́тельное вои́стину познава́шеся. Сего́ ра́ди
сла́вим держа́ву Твою́, Христе́ Бо́же, прегрешéний
оставлéния прося́ще низпосла́ти богáтно рабо́м Твои́м.

Песнь 4

Ирмос: Жезл из ко́рене Иессéова, и цвет от него́, Христе́, от
Дéвы прозя́бл еси́; из горы́, Хва́льный, приосенéнный ча́щи

пришел еси, воплощся от Неискусомужныя, невещественный и Боже. Слава силе Твоей, Господи.

Слава Тебе, Боже наш, слава Тебе.

Великая даруяй нам Дух Всесвятый, на апостолы найде яко божествен, яко благ, яко исполняя всяческая, яко боготворя, яко освящая, яко всех творителен, Владыческий, и самовластен.

Слава Тебе, Боже наш, слава Тебе.

На престоле, Христе, Отческом сед, низпослал еси учеником Твоим Утешителя, якоже обещался еси, Спасе, яко Бога грядуща: посылая же несопротивна, яко всех Содетеля, из Отца исходяща.

Слава Отцу и Сыну и Святому Духу.

Глаголати языки пророк будущая научи Дух древле Всесвятый; языки же премудрых апостол вещает величия Божия во гласе дыхания бурнейша, ныне существенно спребываяй.

И ныне и присно и во веки веков. Аминь.

Богородичен: Врата умнаго Света, именуем Тебе, Богомати, имиже вниде к нам Христос, красен явися блистаньми Божества, в плотстем одеянии покровен, невидимь яко Бог. Ныне же по нам видимь.

Песнь 5

Ирмос: Бог сый мира, Отец щедрот, великаго Совета Твоего Ангела, мир подавающа послал еси нам; тем богоразумия к свету наставльшися, от нощи утренююще, славословим Тя, Человеколюбче.

Слава Тебе, Боже наш, слава Тебе.

О Душе премудрости и страха Божия, истины, совета и разума, мир подаваяй, вселися в ны, яко да освятившися Твоим вселением, из нощи утренююще, славословим Тя, Человеколюбче.

Слава Тебе, Боже наш, слава Тебе.

Иже вся содержиай, и всех сый Господь, Иже тварь соблюдаяй непдаему, подаждь святбу нам и просвещение, яко да насытившися Твоего светодательства,

из но́щи у́треннююще, славосл́овим Тя, Человеколю́бче.

Сла́ва Отцу и Сыну и Святому Духу.

Иже дрéвле зако́н начерта́вый Моисе́ю, но́ваго заветá велéния, и зако́н благода́ти излага́ет я́сно, во апóстольских сердца́х написа́в, Божéственный Утéшителъ нашéd, я́ко Человеколю́бец.

И ныне и присно и во вéки векóв. Аминь.

Богородичен: Кля́тву Ёвину, всех ма́тере, Твои́м рождество́м, Де́во, упраздни́ла еси́, ми́ру благослове́ние возсия́вши Христа́. Те́мже ра́дующеся, усты́ и ра́зумом Богоро́дицу вои́стину Тя испове́дающе блажи́м.

Песнь 6

Ирмос: Из утробы Ио́ну младе́нца изблева́ морской зверь, якова́ прия́т; в Де́ву же всельшееся Сло́во, и плоть приéмшее, про́йде сохра́нное нетле́нну: Егóже бо не постра́да ислéния, Ро́ждшую сохра́ни невреждéнну.

Сла́ва Тебе́, Бо́же наш, сла́ва Тебе́.

Твои́м учени́ком исполня́я обеща́ние, Ду́ха, Христé, сим посла́л еси́, дéйство вели́ких чудéс да́рующа и язы́ки огнезра́чныя да́рствующа, да Твоегó позна́ния язы́к стада́ испо́лняют.

Сла́ва Тебе́, Бо́же наш, сла́ва Тебе́.

Прииди́ к нам, Ду́ше Святы́й, прича́стники Твоея́ содева́я свя́тости, и све́та невечéрняго, и божéственныя жи́зни, и благоуха́ннейшаго разда́ния. Ты бо река́ Божества́, из Отца́ Сы́ном происходя́щий.

Сла́ва Отцу и Сыну и Свято́му Духу.

Спаси́, Утéшителю, ве́рно пою́щих боголе́пное пришéствие Твое́, и очисти́ от вся́кия сквэ́рны, я́ко благоутрóбен, и покажи́ досто́йны Твоегó осия́ния, и све́том Твои́м богови́днейшим сотвори́ я́ несквэ́рненна зерца́ла.

И ныне и присно и во веки веков. Аминь.

Богородичен: Весь лик проро́ческий, от Бо́га тайнонау́чимъ, предглаго́ла та́инство неизрече́ннаго и божéственнаго вопло́щения Бо́га Сло́ва из Тебе́, Де́во

Мати. Ты бо истиннейший и древний Совет явила еси.

Кондак, гл. 8-й

Егда снизшед языки слия, разделяше языки Вышний; егда же огненные языки раздаяше, в соединение вся призва, и согласно славим Всесвятаго Духа.

Икос

Скорое и известное даждь утешение рабom Твоим, Иисусе, вегда унывати духом нашим, не разлучайся от душ наших в скорбех, не удаляйся от мыслей наших во обстояниях, но присно нас предвари. Приблизися нам, приблизися, вездe Сый, якоже со апостолы Твоими всегда еси, сице и Тебе желающим соедини Себе, Щедре: да совокуплени Тебе поем и славословим Всесвятаго Духа Твоего.

Песнь 7

Ирмос: Отроцы благочестию совоспитани, злочестиваго веления небрегше, огненнаго прещения не убояшася, но посреде пламене стояще пояху: отцев Бoже, благословен еси.

Слава Тебе, Бoже наш, слава Тебе.

Ныне обетования предложение Христова исполняется: разделения бо языков, Духа пришествие показа учеником, облиставшее от Троицы Единого Пребожественнаго.

Слава Тебе, Бoже наш, слава Тебе.

Древле убо разделися согласно языков безсловесное; ныне же ко единому сличеству яве собращася, самодельствующу честному и Божественному Духу, от Троицы Пребожественныя Единому.

Слава Отцу и Сыну и Святому Духу.

Свыше носиму дохновению Святаго Духа, величия Божия преславно вещаху апостоли Христовы, согласно поюще: отцев Бoже, благословен еси.

И ныне и присно и во веки веков. Аминь.

Богородичен: Образ Твоего рождества триe отроцы в пещи показаша: яко бо пребыша огнем невредими, сохранилася еси чиста, приемиши во чреве огонь

нестерпимый, отцев Бóга благословеннаго.

Песнь 8

Ирмос: Чúда преестественнаго росодательная изобрази пещь образ; не бо яже прият палит юныя, яко ниже огонь Божества Девы, в Нюже вниде утробу. Тем воспевающе воспойм: да благословит тварь вся Господа, и превозносит во вся веки.

Слава Тебе, Боже наш, слава Тебе.

Святый Душе, происходяй от Бóга, святость всем подаждь в Тя верующим: свят бо, и подателен человеком святости, Ты еси. Тем воспевающе воспойм: да благословит тварь всякая Господа, и превозносит во вся веки.

Слава Тебе, Боже наш, слава Тебе.

Даеши подательне, яко Благодетель, дар благи, Тебе поющим, Утешителю: благих бо подателен еси, и благи пучина. Тем воспевающе воспойм: да благословит тварь всякая Господа, и превозносит во вся веки.

Слава Отцу и Сыну и Святому Духу.

Господь животворящ есть Дух, самодвижимь, самовластен, разделяя якоже хощет даров раздаяния, самовладычен, самоповелителен, безначален. Тем воспевающе воспойм: да благословит тварь всякая Господа, и превозносит во вся веки.

И ныне и присно и во веки веков. Аминь.

Богородичен: Кто Твоему премножеству благоутробия не дивится, безначальне Слово? Нас бо ради обнищал еси, богат Сый, и во чреве Девы святыйя вселился еси. Тем воспевающе воспойм: да благословит тварь всякая Господа, и превозносит во вся веки.

Песнь 9

Ирмос: Радуйся, девственная похвалé, радуйся, Мати пречистая, Юже вся тварь божественными пёсньми величает.

Слава Тебе, Боже наш, слава Тебе.

Се к нам Утешителя иного низпослал еси, единосущна Тебе, Слово, и Отцу Твоему сопредельна.

Сла́ва Тебе́, Бо́же наш, сла́ва Тебе́.

Спаси́ от искуше́ния, Уте́шителю, Бо́га му́дрствующия
Тя, и славосло́влящия Твоё́ преве́чное быти́е.

Слава Отцу и Сыну и Святому Духу.

Прииди́ к нам, Уте́шителю, Твоего́ утеше́ния исполня́й,
сла́вою Твое́ю неизрече́нною богосло́влящия.

И ныне и присно и во ве́ки веков. Аминь.

Богородичен: Неве́сто Бо́жия всенепоро́чная,
славосло́влящия Тя и чту́щия досто́йно, изба́ви от
искуше́ний моли́твами Твои́ми.